



Universitätsbibliothek Paderborn

Sancta Communitas, In Paupertate religiosa inviolata

Wissingh, Anton

Coloniae Agrippinae, 1699

Cap. XI. De reservatione applicativa & usuali alicujus Peculii ante professionem Religiosorum possidentium in communi.

[urn:nbn:de:hbz:466:1-49611](#)

CAPUT XI.

*De Reservatione applicativa & usuali alicuius
peculii ante professionem, Religiosorum possi-
dentiū in communī, &c.*

Quæres, An possit dari interdum iusta causa in-
directa, ex qua possit professurus in Religio-
sibus possidentibus reservare sibi peculium vel
pensionem, de voluntate Superioris in usus licitos
applicandam, si illud non excessivum, sed mode-
ratum sit intra terminos religiosæ honestatis.

R. 1. Cum P. Marchant. in tribun. Tr. 2. tit.
I. q. 4. dub. 2. resol. 1. Tom. 3. Si accipiatur ly
Sibi possessiū, sive ut possessionem indicat; nul-
lus potest Novitus sibi ullū reservare pecu-
lium, reservatione possessiā; neç ad hoc illi ul-
la causa potest suffagari.

Ratio est; quia talis reservatio includit in so-
meram proprietatem, sive spectetur in domi-
nio rei, sive in usu-fructu, sive in usu-juris. Mo-
nasterium autem potest in communī possidere;
sed tunc non dicitur peculium. Si in communī
non possit possidere, v. g. Fr. Minor. strictioris
observantiæ, & Capucinorum; quid ab illis, &
pro illis in legando, vel reservando possit, vel
non possit fieri, vide resolutum exactè à dicto
Marchant. Ic. Qui & notat tres potissimum re-
qui conditiones, ut in ordinibus possidentibus
professurus sibi aliqua reservare possit. 1. Causa
iusta & rationabilis. 2. Licentia & dependentia
realis;

Q. 1

realis, & non ficta à voluntate Superioris. 3. Voleuntas Superiorum certa, & legitima.

R. 2. affirm. Ad totum quæsitum principale, eum cit. *March. Ludov. Miranda, Eligio Basseo Capuc.* &c. quibus etiam alii bonæ notæ Authors conscientiosi & docti hujus temporis adstipulantur; & praxis timoratorum Religiosorum, etiam Superiorum id permittentium, immo approbantium positivè. Interim, cùm quæstionis termini, & responsionis non sonent universaliter, sed restrictè; oportebit eos singulatim expendere cuicunque. *March.* Dicitur ergo 1. *Interdum*; non enim omni tempore, neque in omni circumstantia loci vel conditionis personarum hoc licet, ut dicatur justa causa; sed vg. vel ratione belli, aut caritatis annonæ, vini, frumenti, lanæ; item inter hæreticos vel infideles; si persona sit senex, vel debilis, & tamen Monasterio futura valde proficia &c. In his enim vel similibus circumstantiis, non tantum jure poli, sed etiam jure humano leges interpretante, oritur justa causa reservandæ pensionis, & peculii usualis, quæ alio tempore, circumstantiâ, vel conditione personæ, non subsisteret.

Dicitur 2. Justa causa; quæ scil. juri divino & humano conformatur, & quæ ex æquitate, & principiis justis deducitur. De qua infra.

Dicit quidem *Navarrus*, posse tolerari peculium, ob grande bonum; sed *H. Casal* dicit non posse tale bonum prævalere bono communis religiosæ. Unde hic titulus solus non videtur

per generaliter justificare concessionem pecu-
liorum.

Dicitur 3. Indirecta; quia non ex directa exi-
gentia naturæ status religiosi, sed ex obliqua, &
velut accidentalí circumstantia justificatur, vg.
vel in opere monasterii, vel exordii adhuc paupe-
ris, ideoque defectu communitatis perfectæ ibi
necedum introductæ. In tali itaque casu, puro di-
vino naturali permittente, imino jubente per
media naturalia conservationem vitæ, similiter
jure humano permittente pro conservatione ho-
nestatis statûs, licebit pensionem annuam super
hereditate reservare, ne talis exponatur incer-
titudini honestæ alimentationis, & vestitionis.
Quæ causa, ut palam est, non est per se annexa
statui religioso, hic enim potius exigeret, in quan-
tum cœnobiticus est, ut communis vita commu-
nibus bonis, communi laborio & corporali, &
spirituali, communibusque velut stipendiis ser-
tur, & traducatur.

Dicitur 4. De voluntate Superioris; quæ de-
bet esse libera, prudens, discreta, charitativa;
ut sic indigentæ subjecti prospiciat, quatenus
tamen terminos honestatis religiosæ & sufficien-
tiæ non excedat.

Dicitur 5. In usus licitos; ut abstrahatur hic
à questione theologica, quæ ventilat, an Su-
perior etiam ad usus illicitos, inhonestos licen-
tiarn validè dare possit, tollendo scil. impedi-
mentum in tali re usuali, quæ est dissensus Su-
perioris, ratione cuius nequit validè à solemniter
professo unquam expendi, seu alienari. Sufficit
autem

autem licentia Superioris (*per se loquendo*) implicita, præsumpta, interpretativa; de qua vide Casuistas, (nisi tamen Constitutiones Ordinis in casu aliud statuant.).

De peculio sic rite circumstantionato ita inquit *H. Casal* p. 3. c. 13. *Conditiones & circumstantiae*, cum quibus in monasteriis peculium Ecclesia permittit, ultra hoc, quod illud ita limitent, ut vix peculii nomen mereatur, etiam ad vitam communem proxime disponunt, & ad campaulam ducunt. Unde tali casu non modo peculium efficiunt bonum & licitum, sed etiam in eo potest quis sancte vivere, si velit. h. i. Idem p. 4. c. 9. depositum ait permitti à Trid. & ab Ecclesia, dummodo vesciatur omnibus conditionibus; sed, utinam has omnes adjicerent, tunc non tam multa inordinata inde orientur! Illi Religiosi virtuosè utuntur deposito, seu peculio, qui patrati sunt, quantum est ex se, ut, si quid supersit post necessitates suas sublevatas, statim pro communī necessitate, aut alterius Fratris indigentia sublevanda impendatur.

N.B. His stantibus ita; cùm peculia solùm liceat reservare *ex accidenti*, & *in casu*; hinc maximè providendum, & attendendum est tam Praetatis, quam subditis, ne ex eorum usu fiat abusus; cuius periculum vix ab illo separari potest hoc tempore, maximè in ingeniis non multum regulatis, ideoque pronis ad vitæ licentiam subinde exorbitantem. O! utinam hæc vera non essent! *Prestaret*, secundūm dictum *S. Bonav.* supra citatum, tales Religiosos ibi non esse,
ubi

ubi vel non volunt , vel non possunt vivere nisi
Religiosi ; ne non solum ipsi pereant , sed &
mundani scandalizentur ab ipsis , & perver-
tantur.

Cum quo manet (hoc pace omnium dixerim)
quod illae Religiones minus periculi habeant ,
plusque laudis coram Deo , & hominibus , qui
peculia non admittunt , ne Religio scissuram ,
aut notam patiatur , aut sensim ad laxitatem di-
labatur .

Non tamen quicunque inepte colligere aude-
bit ex suprà data responsione , quod , dum ex
tali justa causa permittitur peculium intra ter-
minos religiosæ honestatis , etiam eo ipso tali-
bus religiosis desuper concedatur absolutum jus
expendendi in qualescumque usus , aut sine de-
pendentia à Superioris licentia , contra lauda-
biles Ordinum consuetudines . Nec hoc ipso da-
tur facultas thesauros coacervandi , & sine ter-
mino quasi divitias sibi privatim corradiendi ,
quovis modo , &c. Hæc enim omnia præex-
clusa sunt ; ne mentiatur ulli iniquitas , dum
solum patrocinari debet vera , & non
palljata necessitas .

CA.